

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Sluzbene novine FBiH", broj: 15/05), i Odluke o realizaciji programa pomoći održivog povratka, broj: 03-32-3-95/22 od 11.05.2022.godine, a u cilju planiranja, kvalitetne izrade i transparentne provedbe planova pomoći održivog povratka, u 2022 godini, Federalno ministarstvo raseljenih osoba i izbjeglica objavljuje

## **JAVNI POZIV** **za refundiranje troškova poreza i doprinosa za uposlene povratnike na području** **entiteta Republika Srpska u 2022.godini**

### **I - PREDMET JAVNOG POZIVA**

Predmet javnog poziva je prikupljanje prijava za dodjelu sredstava **poslovnim subjektima i vjerskim organizacijama**, koji djeluju na području entiteta RS, za refundiranje troškova poreza i doprinosa **za uposlene manjinske povratnike**, a u cilju pružanja podrške održivom povratku u uslovima ekonomske krize izazvane pandemijom koronavirusa (COVID 19) i drugim nepovoljnim dešavanjima na globalnom nivou.

### **II – PRAVO NA UČEŠĆE U PROGRAMU**

Pravo na dodjelu sredstava imaju:

(1) Poslovni subjekti i vjerske zajednice:

- a. koji su danom apliciranja registrirani po važećim zakonskim propisima;
- b. koji danom apliciranja imaju jednog (1) i više prijavljenih zaposlenika, od čega minimalno jednog iz kategorije manjinskih povratnika.

(2) Pravo na dodjelu sredstava imaju poslovni subjekti iz stava (1) ove tačke ako imaju sjedište ili registrovanu poslovnu jedinicu na području entiteta Republika Srpska, odnosno vjerske zajednice koje imaju zvaničnu nadležnost za rad vjerskih ustanova manjinskih povratnika, na području ovog bh entiteta.

Dokazi:

- Rješenje o registraciji;
- Dokaz o broju zaposlenih lica: Lista osiguranih lica za obveznika izdata od nadležne Poreske uprave ili drugi relevantni dokument iz kojeg se jasno može utvrditi broj zaposlenika;
- Uvjerenje o ostvarenom povratku.

*Napomena:*

- *Aplikacije za vjerske organizacije podnose vrhovne institucije ili organi vjerskih zajednica;*
- *Nisu prihvatljive aplikacije: organa uprave, institucija, ustanova i javnih preduzeća.*

### **III – NAMJENA UTROŠKA I MAKSIMALAN IZNOS SREDSTAVA**

(1) Nepovratna sredstva će se koristiti za:

- refundaciju troškova uplaćenih poreza i doprinosa **za uposlene manjinske povratnike, za 1 do 3 mjeseca (za period: januar, februar i/ili mart).**

(2) Sredstva za namjene iz stava (1) ovog člana će se dodijeliti na slijedeći način:

- I. Jednokratno, subjektima iz člana II, za refundiranje troškova uplaćenih poreza i doprinosa, za uposlene manjinske povratnike, ukoliko su dostavljeni svi traženi dokazi iz tačke V ovog javnog poziva, za 1 do 3 mjeseca (za period: januar, februar i/ili mart);
- II. Maksimalan **mjesečni iznos troškova koji se refundiraju po jednom uposlenom radniku je 350 KM**, tako da će poslodavci za radnike iz ove kategorije, čija je mjesečna osnovica viša od propisane, imati obavezu snositi troškove za razliku sredstava;

(3) Subjekti koji su ostvarili pomoć, po istom osnovu, u istom periodu, od strane drugih institucija, nemaju pravo učešća u ovom programu.

### **IV – CILJEVI KOJI SE ŽELE POSTIĆI**

Ciljevi koji se žele postići su:

- a) Očuvanje postojećih radnih mjesta manjinskih povratnika u RS;
- b) Ublažavanje negativnih ekonomskih posljedica, izazvanih pandemijom koronavirusa (COVID 19) i drugim nepovoljnim dešavanjima na globalnom nivou, na poslovne subjekte i vjerske zajednice koji djeluju u povratničkim sredinama na području entiteta RS.

## V – NAČIN PRIJAVE I POTREBNA DOKUMENTACIJA

Kandidat prilikom prijave na Javni poziv dostavlja:

- I. **PRIJAVNI OBRAZAC** (popunjen, potpisan i ovjeren pečatom firme), koji čini sastavni dio ovog Programa i koji se može dobiti u Ministarstvu, na adresi Hamdije Čemerlića br.2 Sarajevo, ili putem web stranice Ministarstva <https://fmroi.gov.ba/>.
- II. **DOKAZI O ISPUNJENOSTI USLOVA ZA UČEŠĆE U PROGRAMU:**
  1. **Rješenje o registraciji ili Aktuelni izvod iz sudskog registra;**
  2. **Uvjerenje/potvrda o poreznoj registraciji** kod Porezne uprave – JIB broj (dostaviti kopiju Uvjerenja/potvrde u 2 primjerka);
  3. **Dokaz** da poslovni subjekt posjeduje **aktivan transakcijski račun** (Ugovor o otvaranju računa ili potvrda sa brojem računa izdata od strane banke ne stariji od 3 mjeseca)
  4. **Potvrda/uvjerenje/izjava o ostvarenom povratku** za sve uposlene manjinske povratnike, (original ili ovjerena kopija) izdata/ovjerena od strane nadležnog organa za općinu povratka, ne starija od 30 dana (prihvatljiva je i zbirna potvrda sa listom radnika, kao i pojedinačne potvrde, a iznimno će se uvažiti i lična izjava povratnika o ostvarenom povratku uz obaveznu potvrdu općine koja nije u mogućnosti izdati Uvjerenja, Izjava i Potvrda općine -original ili ovjerena kopija ne starije od 30 dana);
  5. **Dokaz o broju zaposlenih lica:** Lista osiguranih lica za obveznika izdata od nadležne Poreske uprave ili drugi relevantni dokument iz kojeg se jasno može utvrditi broj zaposlenika.
  6. **Obrazac prijave poreza i doprinosa (Obr.1002)** za mjesece januar, februar i mart 2022. godine i dokazi o uplatama istih (izvodi ili uplatnice);
  7. **Izjava o korištenju/nekorištenju sredstava pomoći** od strane drugih institucija po istom osnovu, u istom periodu (Izjavu na obrascu Ministarstva potpisuje i ovjerava ovlaštena osoba).

## VI - NAČIN IZBORA KORISNIKA

Izbor korisnika po osnovu ovog javnog poziva vršit će Komisija koju imenuje Federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva.

## VII - NAČIN PODNOŠENJA PRIJAVA NA JAVNI POZIV

Prijave na Javni poziv zajedno sa dokazima o ispunjenosti uslova za učešće u Programu dostavljaju se, preporučeno poštom ili lično, na adresu:

**Federalno ministarstvo raseljenih osoba i izbjeglica,  
Ul. Hamdije Čemerlića br. 2, 71000 Sarajevo,  
sa naznakom:**

**“Prijava na Javni poziv za refundiranje poreza i doprinosa za povratnike u 2022. godini”**

(Na poledini koverta navesti ime i prezime podnosioca, tačnu adresu i kontakt telefon )

**Javni poziv ostaje otvoren 30 dana od dana objavljivanja.**

Dodatne informacije mogu se dobiti na telefon: 033/294 139 (140); 033/294-126.

Konačna rang lista, po ovom Javnom pozivu će biti objavljena na web stranici Federalnog ministarstva raseljenih osoba i izbjeglica, a obavijest o donošenju iste u dnevnim novinama u kojima je objavljen i ovaj Javni poziv.

Broj: 03-32-3-95-1/22  
Sarajevo: 17.05.2022. godine

MINISTAR  
dr. sci. Edin Ramić